



2020 йил "18" апрел

№ 885 и

Богот шаҳарчаси

Хоразм вилояти ҳокимининг 2020 йил 14 апрелдаги "Ўзбекистон Республикаси Президентининг 2020 йил 10 апрелдаги "Япония халқаро ҳамкорлик агентлиги (JICA) иштирокидаги "Мева-сабзавотчилик тармоғида кўшилган қиймат занжири яратишни ривожлантириш" лойиҳасини амалга ошириш чора-тадбирлари тўғрисида"ги ПҚ-4669-сонли қарори ҳақида"ги 142қ-сонли қарорининг ижроси тўғрисида

Ўзбекистон Республикаси Президентининг 2020 йил 10 апрелдаги ПҚ-4669-сонли ҳамда бу юзадан вилоят ҳокимининг 2020 йил 14 апрелдаги 142қ-сонли қарорлари юзасидан туманда мева-сабзавотчилик тармоғини жадал ривожлантиришга қаратилган чора-тадбирларни ўз муддатида самарали амалга ошириш, қишлоқ хўжалиги корхоналарининг молиявий барқарорлигини таъминлаш, рақобатбардош мева-сабзавот маҳсулотлари ишлаб чиқаришни ривожлантириш ҳамда Япония халқаро ҳамкорлик агентлиги (JICA) билан ҳамкорликни янада кенгайтириш мақсадида

ҚАРОР ҚИЛАМАН:

1. Ўзбекистон Республикаси Президентининг 2020 йил 10 апрелдаги "Япония халқаро ҳамкорлик агентлиги (JICA) иштирокидаги "Мева-сабзавотчилик тармоғида кўшилган қиймат занжири яратишни ривожлантириш" лойиҳасини амалга ошириш чора-тадбирлари тўғрисида"ги ПҚ-4669-сонли ва бу юзадан вилоят ҳокимининг 2020 йил 14 апрелдаги 142қ-сонли қарорлари раҳбарлик ва ижро учун қабул қилинсин.

2. Ўзбекистон Республикаси Президентининг мазкур қарори билан:

Лойиҳа Қорақалпоғистон Республикаси ва барча вилоятларда амалга оширилиши;

Агросаноат мажмуи ва озиқ-овқат таъминоти соҳасидаги лойиҳаларни амалга ошириш агентлиги (кейинги ўринларда - Агентлик) Лойиҳанинг ўз вақтида ва тўлиқ амалга оширилиши, уни мувофиқлаштириш ва бошқариш, шунингдек, Лойиҳани амалга ошириш жараёнида мониторинг ва ҳисоботни юритиш учун масъул ижро этувчи орган ҳисобланганлиги;

“Мева-сабзавотчилик тармоғида қўшилган қиймат занжири яратишни ривожлантириш” лойиҳасининг асосий кўрсаткичлари 1-иловага;

“Мева-сабзавотчилик тармоғида қўшилган қиймат занжири яратишни ривожлантириш” лойиҳаси бўйича Япония халқаро ҳамкорлик агентлиги (JICA) қарзининг қайтарилиши схемаси 2-иловага;

“Мева-сабзавотчилик тармоғида қўшилган қиймат занжири яратишни ривожлантириш” лойиҳаси доирасида Япония халқаро ҳамкорлик агентлиги (JICA) қарзи бўйича кредитларни молиялаштириш қисмининг қайтарилиши, воситачилик ҳақи ва унинг фоиз тўловларини тўлаш ҳамда консалтинг хизматлари қисмининг қайтарилиши, воситачилик ҳақи ва унинг фоиз тўловларини тўлаш прогноз жадваллари 3,3а-иловаларга;

“Мева-сабзавотчилик тармоғида қўшилган қиймат занжири яратишни ривожлантириш” лойиҳасини амалга ошириш бўйича “Йўл харитаси” 4-иловага мувофиқ тасдиқланганлиги маълумот ва ижро учун қабул қилинсин.

3.Туман ҳокимининг молия-иқтисодиёт ва камбағалликни қисқартириш масалалари бўйича биринчи ўринбосари – туман иқтисодий тараққиёт ва камбағалликни қисқартириш бўлими бошлиғи С.Қурбонов, туман ҳокимининг кишлоқ ва сув хўжалиги масалалари бўйича ўринбосари Э.Худайберганов, Лойиҳада иштирок этувчи тижорат банклари ҳамкорликда кредит маблағларига эҳтиёжманд ва иқтисодий самарадор лойиҳаларни амалга оширадиган тадбиркорлар рўйхатини шакллантириб бориш, уларга белгиланган тартибда кредит маблағларини ажратиш чораларини кўрсин.

4.Туман ҳокимининг молия-иқтисодиёт ва камбағалликни қисқартириш масалалари бўйича биринчи ўринбосари-туман иқтисодий тараққиёт ва камбағалликни қисқартириш бўлими бошлиғи (С.Қурбонов) Лойиҳа доирасида кредит маблағларининг ўз вақтида иқтисодий самарадор лойиҳаларга ажратилиши, молиялаштириладиган сублойиҳаларнинг ижобий амалга оширилиши юзасидан доимий назорат олиб борсин.

5.Мазкур қарорнинг ижросини назорат қилиш туман ҳокимининг молия-иқтисодиёт ва камбағалликни қисқартириш масалалари бўйича биринчи ўринбосари-туман иқтисодий тараққиёт ва камбағалликни қисқартириш бўлими бошлиғи С.Қурбонов ҳамда туман ҳокимининг кишлоқ ва сув хўжалиги масалалари бўйича ўринбосари Э.Худайберганов зиммасига юклансин.

Богот тумани ҳокими



О.Холбоев